



جابتن حال إحوال اكلام إسلام قولوا فينخ
JABATAN HAL EHWAL AGAMA ISLAM PULAU PINANG



TEKS KHUTBAH
MAQASID HIJRAH



Tarikh Bacaan:
12 JUN 2026M / 26 ZULHIJJAH 1447H

Dibiayai :



MAJLIS AGAMA ISLAM
NEGERI PULAU PINANG

Diterbitkan :



JABATAN HAL EHWAL AGAMA ISLAM
PULAU PINANG

***Jawatankuasa
Panel Semakan Teks Khutbah
Negeri Pulau Pinang***

- 1. Sahibus Samahah Prof. Madya Dato' Dr. Mohd Sukki bin Othman (Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Mantan Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Maqasid Hijrah

12 Jun 2026M/ 26 Zulhijjah 1447H

الْحَمْدُ لِلَّهِ الْقَائِلِ: وَالَّذِينَ هَاجَرُوا فِي سَبِيلِ اللَّهِ ثُمَّ قُتِلُوا أَوْ مَاتُوا لَيَرْزُقَنَّهُمُ اللَّهُ رِزْقًا
حَسَنًا وَإِنَّ اللَّهَ لَهُوَ خَيْرُ الرَّزُقِينَ ﴿٥٨﴾ سورة الحج

أَشْهَدُ أَنْ لَا إِلَهَ إِلَّا اللَّهُ، وَحْدَهُ لَا شَرِيكَ لَهُ، الْوَاحِدُ الْحَقُّ الْمُبِينُ، وَأَشْهَدُ أَنَّ
مُحَمَّدًا عَبْدُهُ وَرَسُولُهُ، أَرْسَلَهُ هِدَايَةً وَرَحْمَةً لِّلْعَالَمِينَ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ وَصَحْبِهِ أَجْمَعِينَ.
أَمَّا بَعْدُ، فَاتَّقُوا اللَّهَ يَا عِبَادَ اللَّهِ وَأَطِيعُوهُ، وَاعْلَمُوا أَنَّكُمْ مُلَاقُوهُ، وَأَنَّ مَا عِنْدَ اللَّهِ
خَيْرٌ وَأَبْقَى.

SIDANG JEMAAH YANG DIRAHMATI ALLAH,

Khatib berpesan kepada diri sendiri dan menyeru kepada sidang jemaah yang dikasihi sekalian. Marilah sama-sama kita meningkatkan ketakwaan kepada Allah *سُبْحَانَهُ وَتَعَالَى* dengan sebenar-benar takwa dengan melaksanakan segala perintah-Nya dan menjauhi segala larangan-Nya.

Tumpukan sepenuh perhatian pada khutbah ini dan janganlah sibuk dengan perkara lagi seperti bermain telefon bimbit. Pinjamkan seketika telinga dan hati. Semoga setiap peringatan yang disampaikan dapat menyentuh jiwa dan mencetuskan kesedaran. Bersempena kedatangan tahun baharu Hijri 1448, mimbar pada hari ini akan membicarakan khutbah yang bertajuk: **Maqasid Hijrah**.



MUSLIMIN YANG DIRAHMATI ALLAH,

Hijrah merupakan sunnatullah yang berlaku kepada para nabi dan orang-orang beriman demi menyelamatkan agama dan mempertahankan iman daripada tekanan serta kezaliman. Rasulullah ﷺ sendiri telah mengetahui sejak awal kerasulannya bahawa baginda akan diusir dari tanah airnya. Ketika baginda bertemu Waraqah bin Nawfal, beliau berkata: *"Alangkah baiknya jika aku masih hidup ketika kaummu mengusirmu...."* *"Jika aku sempat menemui hari itu, pasti aku akan membantumu dengan bersungguh-sungguh."*

Hijrah bukan sekadar perpindahan tempat, tetapi perjuangan besar yang menuntut kesabaran, pengorbanan dan pergantungan sepenuhnya kepada Allah ﷻ. Oleh sebab itu, hijrah akan terus berlaku selagi adanya pertentangan antara kebenaran dan kebatilan. Rasulullah ﷺ bersabda:

لَا تَنْقَطِعُ الْهَجْرَةُ حَتَّى تَنْقَطِعَ التَّوْبَةُ، وَلَا تَنْقَطِعُ التَّوْبَةُ حَتَّى تَطْلُعَ الشَّمْسُ
مِنْ مَغْرِبِهَا

Maksudnya: *"Hijrah tidak akan terputus sehingga terputusnya taubat dan taubat tidak akan terputus sehingga matahari terbit dari sebelah barat."*

(Hadis riwayat Abu Dawud)

Allah ﷻ juga menjanjikan kemuliaan besar kepada mereka yang berhijrah di jalan-Nya kerana besarnya pengorbanan yang perlu

ditempuh oleh para muhajirin. Firman Allah *سُبْحَانَهُ وَتَعَالَى* dalam Surah al-Hajj yang telah dibaca di awal khutbah maksudnya:

"Dan orang-orang yang berhijrah pada jalan Allah, kemudian mereka terbunuh atau mati, Allah pasti akan mengurniakan kepada mereka rezeki yang baik".

SIDANG JEMAAH YANG DIKASIHI ALLAH,

Hijrah Rasulullah *صَلَّى اللَّهُ عَلَيْهِ وَسَلَّمَ* telah mengubah perjalanan sejarah manusia. Daripada hijrah, lahir sebuah masyarakat yang bersatu, negara yang aman dan tamadun Islam yang membawa rahmat kepada seluruh manusia. Antara maqasid besar hijrah ialah:

Pertama: Memelihara penghayatan agama dalam diri Muslim

Hijrah bertujuan menjaga kekuatan iman, keselamatan nyawa dan maruah manusia. Dalam kehidupan hari ini, ramai manusia berdepan tekanan hidup, pengaruh media sosial, budaya melampau dan persekitaran yang boleh menggoyahkan iman. Sebab itulah, Rasulullah *صَلَّى اللَّهُ عَلَيْهِ وَسَلَّمَ* telah pun mengingatkan bahawa iman boleh menjadi lemah dan lusuh sepertimana sabdanya:

**إِنَّ الْإِيمَانَ لَيَخْلُقُ فِي جَوْفِ أَحَدِكُمْ كَمَا يَخْلُقُ الثَّوْبُ، فَاسْأَلُوا اللَّهَ أَنْ يُجَدِّدَ
الْإِيمَانَ فِي قُلُوبِكُمْ**

Maksudnya: *"Sesungguhnya iman dalam diri seseorang boleh menjadi lusuh seperti pakaian yang lusuh. Maka mohonlah kepada Allah agar diperbaharui iman dalam hati kamu."*

(Hadis Riwayat Al-Hakim dan at-Tabrani)

Justeru, semangat hijrah hari ini menuntut kita untuk berhijrah daripada kelalaian kepada ketaatan, daripada dosa kepada taubat dan daripada kehidupan yang jauh daripada Allah kepada kehidupan yang dipenuhi iman dan amal soleh.

SIDANG JUMAAT YANG DIRAHMATI ALLAH,

Kedua: Mendirikan masyarakat Islam yang bersatu

Antara tujuan besar hijrah ialah membina masyarakat Islam yang kukuh atas dasar iman dan ukhuwah. Antaranya dengan mengutus Mus'ab bin Umair رَضِيَ اللَّهُ عَنْهُ ke Madinah bagi mempersiapkan penduduknya untuk menerima Islam. Usaha tersebut membawa kepada termeterainya Bai'ah Aqabah (بَيْعَةُ عَقَبَةَ) yang menjadi asas penting kepada pembentukan masyarakat Islam.

Sebaik tiba di Madinah, Rasulullah صَلَّى اللَّهُ عَلَيْهِ وَسَلَّمَ membina masjid sebagai pusat ibadah, ilmu, perpaduan dan kebajikan umat. Sikap golongan Ansar yang menunjukkan contoh pengorbanan dan kasih sayang yang luar biasa terhadap Muhajirin juga turut menjadi faktor penting. Allah سُبْحَانَهُ وَتَعَالَى memuji mereka melalui firman-Nya:

... وَيُؤْتِرُونَ عَلَىٰ أَنْفُسِهِمْ وَلَوْ كَانَ بِهِمْ خَصَاصَةٌ ... ﴿١﴾

Maksudnya: “Mereka mengutamakan (orang Muhajirin) daripada diri mereka sendiri sekalipun mereka juga dalam kesusahan.”

(Surah al-Hashr ayat 9)

Semangat inilah yang perlu dihidupkan dalam masyarakat kita pada hari ini. Masjid hendaklah terus diimarahkan bukan sekadar tempat ibadah, tetapi juga sebagai pusat penyatuan umat, medan ilmu dan kebajikan masyarakat. Masjid juga perlu dipelihara daripada perselisihan dan pertembungan politik agar kekal menjadi tempat yang aman, tenang dan selamat untuk seluruh umat Islam mendekati diri kepada Allah *سُبْحَانَهُ وَتَعَالَى*. Sabda Rasulullah *صَلَّى اللَّهُ عَلَيْهِ وَسَلَّمَ* :

سَبْعَةٌ يُظِلُّهُمُ اللَّهُ فِي ظِلِّهِ... وَرَجُلٌ قَلْبُهُ مُعَلَّقٌ بِالْمَسَاجِدِ

Maksudnya: “Tujuh golongan manusia yang akan mendapat naungan Allah pada Hari Kiamat antaranya ialah seorang lelaki yang hatinya sentiasa terpaut kepada masjid”. (Hadis Riwayat al-Bukhari dan Muslim)

SIDANG MUSLIMIN YANG DIBERKATI ALLAH,

Ketiga: Membina negara yang aman dan adil.

Hijrah juga membawa kepada terbentuknya sebuah negara yang melindungi agama dan memelihara keharmonian masyarakat. Rasulullah *صَلَّى اللَّهُ عَلَيْهِ وَسَلَّمَ* memimpin Madinah dengan penuh hikmah dan keadilan walaupun masyarakatnya terdiri daripada pelbagai kaum dan agama. Melalui Piagam Madinah, Baginda membina kehidupan yang aman, saling menghormati dan mempertahankan hak bersama. Inilah contoh negara yang dibina atas asas keadilan, keamanan dan perpaduan.

Oleh sebab itu, umat Islam hendaklah menjadi contoh dalam akhlak, kebajikan dan perpaduan agar negeri dan negara kita terus aman

dan diberkati Allah *سُبْحَانَكَ وَتَعَالَى*. Hindarilah budaya kebencian, fitnah dan perpecahan khususnya melibatkan isu 3R iaitu agama, kaum dan Institusi Diraja yang boleh mengganggu keamanan masyarakat.

Sebagai Muslim, pameran contoh yang baik melalui akhlak, keadilan, sikap sederhana dan kebijaksanaan dalam kehidupan bermasyarakat. Pulau Pinang juga wajar terus menjadi negeri yang memelihara keharmonian, saling menghormati dan hidup dalam suasana aman walaupun berbilang kaum dan agama.

SIDANG 'IBADULLAH YANG DIRAHMATI ALLAH,

Sebagai penutup khutbah pada hari ini, marilah kita mengambil tiga pengajaran penting daripada peristiwa hijrah Rasulullah *صَلَّى اللَّهُ عَلَيْهِ وَسَلَّمَ*:

Pertama: Hijrah Rasulullah merupakan perjuangan besar untuk memelihara iman, membina masyarakat dan menegakkan agama Allah dalam kehidupan.

Kedua: Kejayaan hijrah dibina atas kekuatan akidah, ukhuwah dan pengorbanan sehingga lahir masyarakat Islam yang aman dan bersatu.

Ketiga: Umat Islam hari ini wajib mencontohi semangat hijrah dengan melakukan islah diri, memperkukuhkan perpaduan dan menghidupkan nilai rahmat dalam masyarakat.

Firman Allah dalam Surah an-Nisa' ayat 100:

وَمَنْ يَهَاجِرْ فِي سَبِيلِ اللَّهِ يَجِدْ فِي الْأَرْضِ مُرَاعِمًا كَثِيرًا وَسَعَةً وَمَنْ يَخْرُجْ مِنْ بَيْتِهِ
مُهَاجِرًا إِلَى اللَّهِ وَرَسُولِهِ ثُمَّ يُدْرِكُهُ الْمَوْتُ فَقَدْ وَقَعَ أَجْرُهُ عَلَى اللَّهِ وَكَانَ اللَّهُ غَفُورًا

رَحِيمًا ﴿١٣﴾

Maksudnya: “Dan sesiapa yang berhijrah pada jalan Allah (untuk membela dan menegakkan Islam), nescaya dia akan dapati di muka bumi ini tempat berhijrah yang banyak dan rezeki yang makmur dan sesiapa yang keluar dari rumahnya dengan tujuan berhijrah kepada Allah dan RasulNya, kemudian dia mati (dalam perjalanan), maka sesungguhnya telah tetap pahala hijrahnya di sisi Allah dan (ingatlah) Allah Maha Pengampun, lagi Maha Mengasihani.”

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ، وَتَقَبَّلَ اللَّهُ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا،
وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ، الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



Khutbah Kedua

2026M/1447H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ،
وَعَلَى آلِهِ وَأَصْحَابِهِ وَالتَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ يُحْيِي وَيُمِيتُ
وَهُوَ عَلَى كُلِّ شَيْءٍ قَدِيرٌ، وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى سِرَاجٍ مُنِيرٍ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ.

سيدغ جماعه يغ درحمتي الله،

سجق كبلاكغن اين، فيهق بركواس اكام دنكارا كيت سكالى لايي مغيسن اوسها
مغهيديو فكن دان ميبباركن سمولا اجرن قادياني اتاو احماديية ملالووي ميديا
سوسيال، فيديو (video)، فروكرام دان فلباكي سالورن كومونيكاسي مودن.
كأداءن اين منونتوت اومت إسلام اكر لبيه برهاتي-هاتي دان تيدق موده ترفغاروه
دغن دعيه يغ دباوا اتس نام إسلام. جسترو جاوتنكواس فتوى نكري فولاو فينغ
تله مموتوسكن بهاوا اجرن قادياني اتاو احماديية اداله سست دان مپليويغ سرتا
بوليه ممباوا كقد ككفورن.

كفوتوسن اين سلارس دغن كفوتوسن مذكرة جاوتنكواس فتوى كبغساءن يغ تله
لما مموتوسكن بهاوا اجرن قادياني اداله اجرن يغ مپليويغ درقد إسلام. اوليه
ايت، اومت إسلام تيدق بوليه مغمبيل ريغن ايسو اين اتاو مغانكف ايا سقدر

فربيداءن قندغن. فركارا يغ مپنتوه سوءال كنبين دان اساس عقيدة بوكن رواغ
خلاف يغ بوليه دتولرانسيكن.

قَالَ اللهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا
عَلَيْهِ وَسَلِّمُوا تَسْلِيمًا.

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ أَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ أَنْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، وَفِي كُلِّ زَمَانٍ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ أَصْلِحْ أَيْمَتَنَا وَوُلَاةَ أُمُورِنَا، وَاجْعَلْ وَلَايَتَنَا فِيمَنْ خَافَكَ وَاتَّقَاكَ يَا رَبَّ
الْعَالَمِينَ. اللَّهُمَّ اجْعَلْ بَلَدَنَا مَالِيزِيَا خُصُوصًا وَوَلَايَةَ فُؤَلَاوِ فِينِغَ آمِنًا مُطْمَئِنًّا
سَخَاءَ رَحَاءٍ، دَارَ عَدْلِ وَإِيمَانٍ، وَأَمْنٍ وَأَمَانٍ، يَا ذَا الْفَضْلِ وَالْإِحْسَانِ.

اللَّهُمَّ وَفِّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ
اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى
صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Sultan Ibrahim dan Kebawah Duli Yang Maha Mulia Seri Paduka
Baginda Raja Permaisuri Agong, Raja Zarith Sofiah.

وَكذَلِكَ صَاحِبِ الْفَخَامَةِ،

Tuan Yang Terutama Tun Dato' Seri Utama Haji Ramli bin Ngah Talib, Yang di-Pertua Negeri Pulau Pinang dan Yang Mulia Toh Puan Raja Dato' Seri Utama Noora Ashikin binti Raja Abdullah.

“Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang yang istiqamah mendirikan solat secara berjemaah, mengeluarkan zakat melalui Zakat MAINPP dan melaksanakan waqaf melalui Wakaf MAINPP.

Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang (MAINPP) dalam usaha mewujudkan keseimbangan sosio-ekonomi ummah di negeri yang tercinta ini.”

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَىٰ نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.



جابتن حال إحوال اكمام إسلام قولواو فینخ
JABATAN HAL EHWAL AGAMA ISLAM PULAU PINANG